

Newspaper	BERITA HARIAN
Date	19 JANUARY 2017

# Aspirasi generasi muda tentukan kejayaan TN50

BH - 19/1/2017

➔ Najib  
sampaikan  
ucaptama,  
berdialog  
dengan belia  
di UM

**Oleh Mohd Anwar  
Patho Rohman**  
wananwar@bh.com.my

► Kuala Lumpur

**D**atuk Seri Najib Razak menyeru belia untuk berkongsi pandangan dan pendapat bagaimana untuk menentukan hala tuju negara menerusi Transformasi Nasional 2050 (TN50).

Perdana Menteri mengalu-alukan belia memberikan input kepadanya dengan menghantarnya menerusi e-mel rasmi beliau, najib@najibrazak.com sebelum jam 2 petang ini.

“Apakah aspirasi anda untuk Malaysia di 2050? Saya akan membincangkan topik ini bersama golongan muda Malaysia dalam sesi Dialog

Perdana TN50 esok (malam ini).

“Saya juga ingin mendengar daripada anda semua. Sampaikan pandangan dan pendapat anda terus kepada saya melalui e-mel ke najib@najibrazak.com sebelum 2 petang esok (hari ini)” katanya dalam status Facebooknya, semalam.

Perdana Menteri mengumumkan TN50 ketika membentangkan Bajet 2017 yang menjadi gagasan baharu bagi menentukan hala tuju negara untuk 30 tahun sehingga 2050.

Ia bakal membawa pembaharuan dengan suara rakyat dijadikan sebagai penentu kepada penetapan misi dan visi negara untuk tempoh tiga dekad akan datang.

Sementara itu, Ketua Komunikasi Korporat, Kementerian Belia dan Sukan, Izad Raya, berkata se-

ramai 500 belia akan menyertai majlis Dialog Perdana TN50 bersama Perdana Menteri yang akan diadakan di Dewan Tunku Canselor (DTC), Universiti Malaysia (UM), malam ini.

Beliau berkata, belia yang dipilih untuk menyertai dialog itu adalah dari pelbagai latar belakang yang mewakili segmen komuniti generasi muda Malaysia.

## Zahid turut serta

“Perdana Menteri akan menyampaikan ucap tama mengenai TN50 dan disusuli dengan sesi dialog bersama belia bagi mendapatkan input dan cadangan mengenai gagasan itu.

“Menteri Belia dan Sukan, Khairy Jamaluddin Abu Bakar yang bertanggungjawab untuk

menggerakkan fasa pertama TN50 akan menjadi moderator pada sesi soal jawab bersama Perdana Menteri,” katanya.

Program itu akan turut dihadiri Timbalan Perdana Menteri, Datuk Seri Dr Ahmad Zahid Hamidi beserta jemaah menteri serta pemimpin belia negara.

Izad berkata, belia yang terpilih untuk menghadiri program dialog itu berpeluang menyatakan cadangan, pandangan dan idea bagaimana hendak memeta TN50 kepada sekretariat TN50 di pekarangan DTC mulai jam 5.30 petang sehingga 8.30 malam.

“Perdana Menteri juga dijangka akan meluangkan masa untuk bersembang dan menjamu selera bersama belia di luar dewan sejurus program dialog berakhir,” katanya.